

Ní theichim re tagra mbaoith

[McKenna, L. *Iomarbhágh na bhFileadh* (Irish Texts Society, vols 20, 21, 1918); no. 24]

Tadhg mac Dáire cct.

1 Ní theichim re tagra mbaoith  
bagar gáibhtheach glóir neamhghaoith  
na cúis amh-luaidh ní fhuil d'fhear  
ní chuir an-bhuain ar m'aigheadh.

2 Toibhéim gan cheart um cheird féin  
tugais orm anba an doimhén  
do ghlór féin do éagnuigh ibh  
céim do bhréagnuigh do bhréithir.

3 Díon do chéad-ghlóir mar badh cóir  
ní hé éifeacht bhar n-athghlóir  
ní hé an t-ord caingne cubhaidh  
aighne borb do bharamhail.

4 Mé dot ath-ghoin san alt-sa  
ní tathaoir dom thromdhacht-sa  
mo chéad-ghoin is tú do thairg  
crú bhar n-éagnaigh ní hiomaird.

5 Dána dhuit-se déanamh truím  
fa éadoimhne iúil oruinn  
srian réd chéad-ghlár do chuireas  
do bhréag-rádh do bhréagnuigheas.

6 Mo linn eoluis d'fhios na sean  
fuarais oilbhéim na himeal  
grian ar bhfis is dál domhain  
gá dtám ris ní rángabhair.

7 Ní ar bhladh éan urlaimh rom alt  
minic do chiú 's do chonnarc  
fios nach léir dhuid-se acht mar dhall  
nach éir léd thuigse a thacmhang.

8 Do cheird féin ní chuire i gcion  
cuirim-se an cheird óm shloinntior  
go bhfuil gan chlaochlódh om chaint  
ní baoth-ghlór soin acht substaint.

9 Nach tú an chú do croitheadh leam  
go follus d'éigsibh Éireann

re buladh do bhréag id bheol  
nar fhéag d'uamhan fad aithcheodh.

10 Do bhréagnuigheas bíom na bhun  
tusa i dtosach do bhriathar  
nocho gcaigéal a rádh ribh  
do shlán fá n-aibéar d'fuighlibh.

11 Ní leanabh acht lorg leabhar  
ní bhia dál an deimhneaghadh  
ná mealladh ar bith im béal  
ná rith teangadh na dtaigéar.

12 D'éis a fiadhaigh do dhol dí  
amhasdrach d'fhógra a claidhte  
do ní cú anbhfan mar ibh  
as a labhrann tú tuigthir.

13 Bréagnachadh nach bí ar do chor  
imdheargadh aoin gan adhbhar  
mar do rinnis iad gan fhios  
is iad do innis th-ainbhios.

14 Moladh iomarcrach ort féin  
cuid d'fhiadhnaibh th-ainbhis eiséin  
toibhéim id chainnt re confadh  
mar fhoiléim drainnt do bharchon.

15 Gan leanmhuin luirg bhar n-agra  
cúl do chor réd chéad-thagra  
maoidhimh dhuit as diamhraibh th'fhis  
is cuid d'fhiadhnaibh bhar n-ainbhis.

16 Fearr ar labhair mac Mhic Con  
dá bhféadthaoi an chúis do chosnamh  
ioná a gcloistir uaibh uile  
coisgidh d'uaille is d'éadmhaire.

17 Ar n-iarraidh th-aighthe 's th-anma  
fa hé ath-ghlór mh'agallmha  
teacht do chosnamh ar chan sibh  
ná tar gan chosnamh cuimhnidh.

18 Dearbh más troduire tusa  
gur bhagras mo bhogha-sa  
soirbh geall do bhreith ón bhuidhin  
's bheith go teann ar thruidiribh.

19 An dream sin munab díobh dhuid

dol dá ndídean ní mholmuid  
béim dá ghnaoi tagra trom-locht  
dá n-admha saoi saothamhlacht.

20 Bagair do gráin chatha ar chách  
gá mbia rét aghaidh ur-sgáth  
coisg na goimhe is dúil dise  
i ngloine úir mh'aighthe-se.

21 Cosmhail ar ar chanais rum  
nach fuair tú móide an mearbhall  
a fhir thuaidh do thagair ruinn  
uain cadail ar do chearchuill.

22 Dá ndeachadhaois uile as  
ní tusa tá gan th'amas  
ní id chás féine fuair tusa  
buain béime ar mo bhogha-sa.

23 Ná bí dá cheilt léd cham-dhán  
níor chanas um chéad-chomhrádh  
glór ribh acht do reacht leabhar  
ní dhligh ceart do choireaghadh.

24 Ná bí re bagar th'aighthe  
an i mbun do bhréagnuighthe  
a ndubhairt tú seasaimh soin  
nó leasuigh clú do chumhthaigh.

25 Ní riú as chóra cúl do chur  
tús is tábhacht ar mbriathar  
le cam-rannaibh ní cheileam  
a ndubhramair deimhnigheam.

26 Ni bhiam re freagra feasda  
dod ghlór fhaobhrach éig-cneasda  
bheith dhí más daoibh as ragha  
ní hí an aoir an ealadha.

27 Breith barr i mbriathriabh gonta  
gan aon aighneas ionmholta  
an barr assa teann tusa  
ní hann as fhearr m'eolusa.